



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus VII. De dispensatione in irregularitate ex homicidio.

[urn:nbn:de:hbz:466:1-73064](#)

889 Quæstio est 3. quid de pugnantibus in bello iusto offensivo? q. omnes, qui in tali bello aliquem propriis manibus, seu facto occidunt, aut mutilant, irregulares fieri ex defectu lenitatis; secus est, si ipsi per se non occident, vel mutilent, licet alii hoc faciant: prima pars habetur ex c. 1. & 4. dist. §1. junct. gloss. V. *Mutilaverit.* Secunda ex c. presentium de Clerico percussore &c. penult. h.t. de quibus egimus à n. 862.

ARTICULUS VI.

De Mutilatione.

890 **M**Utilatio propriæ dicta, est alicujus membra amputatio, vel abscissio, colitur ex c. Clericis 5. Ne Clerici, vel Monachi, &c. in Archiepiscopatu 4. de Raptoribus; illam autem partem humani corporis dicunt communiter authores venire nomine *membri* hoc loco, quæ particularem, seu distinctam ab aliis partibus functionem habet, ut oculus ad videndum, auris ad audiendum. &c. Et colligitur ex l. 10. ff. de additio edicto, ubi *digitus* dicitur *pars membra*. Difficultas est, an ad irregularitatem ex mutilatione sufficiat, abscindì notabilem partem membra v. g. cartilaginem nasi, vel aurium, digitum in manu, mamillam foeminae, &c. Affirmativam sequitur Suarez cit. d. 44. f. 2. n. 7. Layman l. 3. tr. 3. c. 11. n. 2. cum in c. 1. de Clericis pugnantibus in duello, dicatur sufficere diminutionem membra, ibi, vel *membrorum diminutio*, Quamvis contrarium probabile, & turum in praxi, censeat Pirhing. h. t. n. 119. §. Ex quo 1. cum versemur in materia poenali, & odiosa. Quod autem etiam ex sola mutilatione incurritur irregularitas, constat ex dictis.

891 Not. autem 1. irregularitatem impositam mutilationi alterius, etiam intelligi, cum quis mutilat se ipsum c. qui partem dist. 25. & in hoc casu sufficere mutilationem, quæ in alio facta non sufficeret ad irregularitatem, propter maiorem in eo casu atrocitatem in proprio corpos exercitam, vult Pirhing. h. t. n. 124. sed in poenalibus etiam majoritas rationis, non necessariò concludit ex dict. à n. 137. Not. 2. mutilationem, seu abscissionem membra omnino aridi, seu mortui non esse illud, cui imponitur irregularitas prædicta, quia non esse, vel esse, sed inutiliter, paria sunt.

ARTICULUS VII.

De dispensatione in irregularitate ex homicidio.

892 Questio est primo, quis jure ordinario dispensare possit in irregularitate, contracta ex homicidio, vel mutilatione voluntaria, & injusta? q. posse solum sumum Pontificem. Nam inferior in lege superioris jure ordinario dispensare non potest, extra certos casus, ut constat ex dictis l. 1. decret. Constitution. tit. 2. sed irregularitas ex homicidio, vel mutilatione voluntaria, & injusta, inducta est lege summi Pontificis; & hac irregularitas, non est intra certos illos casus; ergo in eo jure ordinario dispensare non potest inferior. Min. probatur ex Tridentino sess. 24. de reform. c. 6. ibi: *licet Episcopis in omnibus irregularitatibus, ex delicto occulto provenientibus, dispensare, excepta eâ, qua oritur ex homicidio voluntario;* ergo si injustum homicidium sit *voluntarium*, licet occultum, non licet Episcopo dispensare in irregularitate ex tali homicidio voluntario, etiam occulto; ergo hæc irregularitas non est intra certos illos casus.

Ex hoc colliges, Episcopo competere 893 facultatem dispensandi in irregularitate proveniente ex voluntaria mutilatione etiam injusta, sed occulta. Nam vi Trid. cit. Episcopo dispensare potest in omnibus irregularitatibus ex occulto delicto provenientibus, nisi sit ex casibus ibi exceptis; sed irregularitas ex voluntaria *mutilatione*, etiam injusta, est ex delicto, & hoc delictum non est ibi exceptum, exceptio enim expresse loquitur solum de homicidio voluntario; ergo si hoc occultum sit, dispensare poterit in ea irregularitate; ita Layman l. 3. summæ f. 5. tr. 3. p. 3. c. 12. n. 2. Sanchez l. 1. summæ c. 10. n. 49.

Colliges 2. idem dicendum de irregularitate contracta ex homicidio *casuali*, sed occulto, quantumvis injusto. Nam potestas Episcopis concessa ad dispensandum in omnibus irregularitatibus ex occulto delicto provenientibus, in nullo restringitur, nisi proveniat ex homicidio *voluntario*; sed homicidium *casuale* non est *voluntarium*, prout voluntarium hic accipitur ut diximus supr. ergo quoad irregularitatem ex homicidio *casuali*, potestas Episcopis concessa non restringitur. Coll. 3. in irregularitatibus, quæ proveniunt ex mutilatione, vel homi-

homicidio, quantumvis justo, sed auctoritate publica commisso, jure ordinario dispensare posse solum summum Pontificem; ea enim inducta est lege summi Pontificis, nec numeratur inter eos casus, in quibus inferiori licet dispensare in lege Superioris, ut constat ex Trid. sup. cit. n. 892. ergo.

895 Dices: Tridentinum loco cit. Episcopis solum concedit facultatem dispensandi in irregularitatibus *ex occulto delicto provenientibus*, irregularitas autem ex voluntaria mutilatione iusta, licet occulta, non est tantum ex delicto, sed etiam ex defectu significationis; ergo in hoc dispensare non potest Episcopus. *q. cum distinctione majoris, & eam concedo, si aliud non velit, quam Episcopum posse pariter dispensare in irregularitatibus ex occulto delicto provenientibus, præter illas, quæ ibidem excipiuntur, etiamsi præter delictum, eriam importent defectum significationis, seu lenitatis; nego autem, si restringere velit ad provenientiam ex delicto tantum sic, ut in ea concessione non veniat, si laboret delicto, simul & defectu significationis. Ratio hujus est, quia si concessio illa excluderet irregularitatem ex occulto delicto, conjunctio cum defectu significationis, pro�us inepta ibi foret exceptio irregularitatis ex homicidio voluntario. Nam propositio *exceptiva* supponit inclusionem excepti in toto, a quo fit exceptio, si abesset exceptio, ut per se patet. Vel ergo inter irregularitates ex occulto delicto nascentes contineretur etiam irregularitas *ex homicidio voluntario*, seclusa illa exceptione? vel non? neutrum dicitur potest.*

896 Probatur: *non primum* (quod continetur) quia sic jam conceditur, inter irregularitates ab Episcopo dispensabiles seclusa exceptione, contineri irregularitatem ex occulto delicto *cum defectu significationis*; hoc enim habet homicidium voluntarium; non etiam *secundum* (quod seclusa exceptione non contineretur) quia sic exceptio non foderet necessaria, sed prorsus inepta; exciperet enim inexceptibile. Ut autem intelligatur necessitas dispensationis in irregularitate contrafacta, not. 1. ubi irregularitas contrafacta non est, nullam requiri dispensationem; cum autem ex multis casibus fieri possit, eam non contrahi, in multis quoque casibus fieri potest, non opus esse dispensatione.

Quare

897 *Not. 2. irregularitatem ex mutilatione,*

vel homicidio injusto, sive voluntario, sive casuali, non incurri, in foro poli, nisi homicidium processerit *ex culpa gravi*; Sic Petrus Navarra l. 2. de restit. c. 1. d. 6. n. 69. Valentia t. 4. d. 7. q. 19. p. 3. & alii complures. Nam haec irregularitas est *in paenam delicti*; ergo, cum poena gravis sit, ne excedat culpam, etiam haec gravis esse debet; id, quod etiam confirmatur ex variis canonibus. Sic Pater suffocans filium suum dormientem irregularis judicatur solum ex eo, si suffocatio ei *voluntaria fuit*, vel *ex studio negligentiā acciderit*, ut habetur c. *queſitum*, de poenit. & remission. Similiter ab irregularitate excusat Clericus cum alio ludens, etiamsi casu alius occubisset fortuit ex cultello, in quem incidit, quo ille præcinctus erat; nam in tali casu non praesumitur culpa interveniente, ut dicitur c. *Lator.* 9. h.t.

Quia vero saepius hic mentio fit de culpa, not. 3. *culpam*, latissime sumptam, esse deviationem ab eo, quod bonum est, & per hominis diligentiam provideri potuit; late tamen acceptam (prout distinguitur à dolo, deficere in eo, quod non requirat animum nocendi, quem requirit dolus) summa pro negligentia; & hoc sensu, *culpa lata* dicitur, quando quis ex negligentia fecit, aut omisit, quod ut plurimum homines in tali re, vel negotio non facerent, aut omitterent; ut si quis librum, quem commodatum habebat, reliquit in scarino extra domum, ubi patebat volentibus surripere.

Culpa levissima est, cum quis neglexit facere, vel omittere, quod diligentes ea in re non negligerent facere, vel omittere, ut si commoda tarius reliquit librum intra cubiculum, sed aperto ostio, unde surripi poterat; *culpa vero levissima* datur, quando quis fecit, aut omisit, quod soli diligentissimi non facerent, vel non omittent, ut si quis eundem librum reliquit in cubiculo, clavi quidem reserato, quin tentarit, num reseratum maneret?

Not. 4. *culpa* appellatione simpliciter prolatæ, regulariter venire *dolum*, vel saltem *latam culpam*, quando subjecta materia id suadet; interdum etiam culpam levem; non levissimam, saltem in odiosis, & poenalibus, ut tenet Decianus in tract. crimin. q. 88. n. 91. Monach. de præsumit, l. 5. præsumpt. 3. n. 136. Quando autem lex, vel ejus dispositio aliquem vult teneride *culpa*.

culpa, semper intelligitur *dolus*, ut docet Bartol. in L. *Quod Nerva*, ff. depositi, n. 9. apud Percyram in *Elucidar.* n. 148. in multis tamen etiam venit *culpa lata*, si conjuncta sit cum Theologica. Secus enim (ubi loquitur de culpa lata) dispositio procedit ex sola presumptione, quod maximè dicendum in peccatis spiritualibus *ex culpa*; hæc enim quoad forum internum supponunt culpam Theologicam in veritate, non sola presumptione.

900 Dices in c. *Continebatur*, h. t. Clericus Diaconus dicitur irregularis, quia Iudens cum aliis, & victus, cum laicum victorem deberet portare, illi se supposuit, falce, quā præcinctus erat, non absconditā, quo factum, ut ille Laicus mortale vulnus accepit, & intra 8. dies obierit. N. id solum processisse ex presumptione gravis negligentiae commissæ in cavendo periculo, quod in baululatione illa (quam falce præcinctus præstít) viatori portando debuerat cavere. Coeterū si revera nulla illi cogitatio de tali periculo tunc occurrit, & nullatenus prævidit, in foro conscientiae ab irregularitate penalii immunis erat. Et juxta datam responsonem exponendum est c. *sicut*, &c. *Literis* h. t. ubi irregularitas propter abortum, exclusi cum muliere pregnante secutum, decernitur, non quod latus in honestus, sed noxious, & periculosis fuerit, periculo præviō, quin debita diligentia illud cavendi adhibita fuerit.

901 Not. 5. quando Clericis, qui sunt in Sactis, & Religiosis imponitut irregularitas propter mortem secutam ex eo, quod exercuerint artem chirurgicam, vel medicam, incidendo, mutilando, adurendo, &c. licet omnem diligentiam adhibuerint, ut habetur c. *sententiam*, ne Clerici, vel Monachi, &c. *Tua nos*, de homicidio, irregularitatem esse *ex delicto*, commisso contra specialem prohibitionem illis factam loc. cit. ne ipsi extra urgentem necessitatē per seipso tales actiones exerceant, suo statu indignas, & per se periculosas. V. Layman l. 3. summæ t. 5. tr. 3. p. 3. c. 10. Abbas in cit. c. *Tua nos*, & alii.

902 Not. 6. qui aliunde determinato ad Titium occidendum, consuleret, ut solum mutiler, non peccaturum, consequenter non incursum irregularitatem ex delicto, seu concursu per consilium. Nam consuleret, ne mutilans, suo impulsu, ultra mutilationem progrediatur, est in re impedire

Zom. v.

gravius malum, quod honestum est. His præmissis:

S. 1.

De dispensatione in irregularitate ex delicto.

Non est dubium, summum Pontificem 903 dispensare posse in omni irregularitate proveniente ex homicidio voluntario, etiam notorio (omnis enim irregularitas jure solūm humano inducta est) quandoque tamen non sine difficultate; cum abominabile sit, quod effundens sanguinem humānum (virum enim sanguinum abominatur Dominus) offerat sanguinem Christi, & hostiam immaculatam. Hoc non obstante plures justis de causis dispensatum est etiam in ejusmodi casibus, ut notat Felinus, in c. *final.* de majoritate, & obedientia. Cum igitur ejusmodi dispensatio impe tranda est, complura observanda esse, docent Curiales, ut videri potest apud Pyrrhū Corradum in Praxi dispensat. Apostolic. l. 5. c. 1.

Primum est, ut in hujus dispensationis 904 petitione clare *qualitas homicidii* exprimatur. Magna quippe differentia ex eo capite quoad concessionis facilitatem, aut difficultatem, quoad causas dispensandi, & similia, esse solet. Quare in supplicatione exponendum venit, an homicidium sit *voluntarium*; seu *ex proposito*, seu *casuale*? an *simplex*, an *qualificatum*, an *defensivum*, seu *necessarium*, cum, vel *sine moderamine in culpa et tutela*? &c. Et quamvis Corradus cit. c. 1. n. 5. ex Mandozio in praxi Signat. titulo de *absolutione*, & *rehabilit.* ab homicidio, dicat, solere etiam magnopere attendi tempus perpetrati delicti, an sit *recens*, vel *antiquum* (quod in illo difficilior; ac in isto sit dispensatio) an *sub hoc*, à quo petitur dispensatio, vel *alio summo Ponifice* homicidium commissum sit, quod difficilius dispensetur, si sub illius Pontificatus patratum fuerit: id tamen non est de necessitate mediæ. Dispensatur tamen facilius cum jam promoto, quam cum primùm promovendo; sic glossa per textum c. *quicunque penitentes*, dist. 50. arg. c. *Quemadmodum*, de jure jurando.

Not. præterea juxta Sayrum de confess. 905 l. 6. c. 15. n. 9. quod dubius, an commiserit homicidium? debeat se habere tanquam irregularē; cauclam reddit Corradus cit.

Bb

h. 9.

194 Tract. in Lib. V. Decretal. Quæstio XII.

n.9. quia in dubiis tūtor pars eligenda est; ut, cūm fœtum expulit per abortionem, & dubitat, an fuerit animatus? sed hæc regula non procedit, prout jacet, ut diximus l.1. tit. 2. de Constitut. Videtur tamen id, quod Sayrus docet, tenendum ex eo, quod graviter illicium sit, recipere Ordines cum tali dubio, eo non sublato per dispensationem ad cautelam, vel declarationem irregularitatis non incurſe; alias enim, ut testatur Majolus l.5. de irregularit. c.48. severè puniretur, quia lex inhabilem excludens ab ordinibus, contra dubium de suo habilitate, est in certa possessione.

906 Dices: irregularitas non contrahitur, nisi in casibus iure expressis, juxta communem; & tamen in c. ad audientiam 1. de homicidio habetur, censendum esse irregulararem eum, qui de irregularitate dubius est; quoniam in dubiis tūtor pars eligenda est, juxta c. significasti, codem. Ex quibus deducit Corradus cit. l.5. c. 1. num. 24. prædictum textum procedere solum in foro conscientiæ; & alterum in foro contentiousio; consequenter taliter dubium, ubi recurrere vult pro dispensatione, id agere debere in sacra Pœnitentiaria; cūm Dataria id raro concedat. Verum

907 2. dictum illud: quod irregularitas non contrahatur, nisi in casibus in iure expressis, debere intelligi pro foro judiciali, & exteriori, nimurum, quod Judex non beat aliquem in dubio judicare irregularem, prohibendo ei ordinum susceptionem, vel susceptorum executionem, nisi ei constet de casu, cui dispositione juris irregularitas annexa sit; quod autem dicitur in c. ad audientiam, debere accipi pro foro conscientiæ, solum tunc procedit, quando dubium non potest prudenter deponere. Nam in tali casu, & non alijs, subintrat regula, quod in dubiis tūtor pars eligenda sit, ut expōsumus l. 1. tit. 2. Qualiter autem id recte fiat, colligi potest ex dictis ibidem.

908 Quamvis autem exter constitutio Sixti V. incipiens: Cum de omnibus, in qua dicitur: omnes autem, & quosunque criminosos, vel suspectos, &c. Ad Religionem perpetuo inhabiles declaramus; adhuc tamen ea constitutione non obstante per sacram Pœnitentiariæ dispensatur cum talibus, quando ad suorum peccatorum pœnitentiam peragendam in Religione, licentiam ingrediendi petunt, & in ea suscipiendo ordines. Ita Corradus cit. n.26. & nota, Sixthum loqui de cri-

minosis, quales non videntur recte dicier actu unico. Plura de his cit. Author. Et quoniam nullus Papæ inferior in ejus lege, jure ordinario dispensare potest, nullus quoque jure ordinario poterit in ea irregularitate, nisi sit ex delicto occulto, ut jam diximus.

§. 2.

De dispensatione in irregularitate ex homicidio citra delictum.

Hæc irregularitas contrahitur ex homicidio, vel mutilatione, iustitiâ mediante, nimurum facto ex autoritate publica. Nam & tale homicidium, vel mutilatio, impedimentum irregularitatis inducit, impeditque promovendos, jamque promotores rejicit, per textum in c. sententiam sanguinis, ne Clerici, vel Monachi, & c. 1. dist. 51. Circa hanc irregularitatem quæstio est, 1. an incurrit à Judice, vel alii iustitia ministris, si quem justo condemnarunt ad mortem, vel mutilationem, morte tamen non fecutæ, nec mutilatione? Affirmativam tenet Pyrrhus Corradus, sàpè cit. l.5. c. 2. sed rectius negatur cum Ciarlini tom. 2. controversial. forensium, c. 103. per totum. Nam hæc irregularitas solum imponitur homicidio, vel mutilationi ex autoritate publica commissa, quod utique importat occisionem, vel mutilationem, vel mandatum, vel decretum definitivum, effectu secuto; alias enim homicidium, vel mutilatio non est. Nec rationes Corradi evincunt intentum. Nam licet verum sit, sàpè fieri, quod non stet per Judicem, & alios iustitiae Ministros, ipsorum sententiam habere simul effectum (cum sàpè Principis authoritate, vel alio titulo Reis ad mortem condemnatus, gratiam poenæ condonativam obtineat) ex hoc tamen non sequitur, Judicem, ac ejus assessores, aliosque iustitiae Ministros, commississe homicidium, vel mutilationem, effectu secuto. Nam licet hæc irregularitas non sit inhabilitas poenalis, sicut nec poenalis est inhabilitas validè contrahendi matrimonium simpliciter clandestinæ; hæc tamen invaliditas, seu nullitas matrimonii non incurrit à contrahentibus, si per accidens impeditur clandestinitas (puta si revera Parochus, & testes ipsis non opinantibus, aut etiam invitis interveniant) ergo nec irregularitas ex iusta condemnatione ad mortem, si hæc per

per accidens impediatur, quia scilicet
per inabilitas requirit factum cum esse
et tu.

⁹¹⁰ Nec juvat, quod dicat esse consuetu-
dinem petendi dispensationem Apostoli-
cam in iusmodi etiam casu, ubi Judex
Reum ad mortem condemnavit, licet mors
secuta non sit. Nam dato, esse talem con-
suetudinem; non ramen probat eam esse
inductam *communi consensione*, & *animo*
inducendi legem, sine quo non habet vim
legis non scriptae, ut diximus l. 1. tit. de con-
suetudine. Nam Ciarlinus cit. restatur, se-
scire, tales Justitiae Ministros esse ordina-
tos, nullam dispensatione petitam. Neque
aliquorum factum, qui tali casu recurre-
runt Romam, est ex necessitate, sed solum
ad cautelam, vel declarationem, ad evitan-
das opiniones, & tollendos scrupulos eo-
rum, qui nesciunt, aut nolunt acquie-
scere.

⁹¹¹ Nec denique ad rem facit, quod affe-
rit Corradus, *id esse de stylo*. Nam nec iste
habet vim legis, nisi auctoritate summi
Pontificis probatus sit, & confirmatus, ut
constat ex dict. alibi; cum plura solum vo-
luntate Curialium dicantur de stylo, non
auctoritate Papæ; ut pluribus ostenditur
l. 4. decret. Curiales enim non sunt condi-
tores legum, nec ad id, ratione muneris
sui, potestatem habent; sed potius obli-
gationem operandi juxta legem à Superio-
re, summo nimirum Pontifice, constitutam
in suis functionibus; stylus autem, seu con-
suetudo juxta legem, nec habet vim induc-
endi legem novam, nec abrogandi, sed
tantum firmandi præexistentem, ut con-
stat ex l. 1. decret. tit. 2. Ubi etiam ex
professo egimus de stylo Curiae; quibus
positis:

⁹¹² Questio est 1. an in tali casu, quo ef-
fectu non secuto, juxta Corradi, aliorum
que sententiam, incurreretur irregularitas,
necessariò recurrentum sit Romam pro di-

spensatione? Affirmativam sequitur Cor-
radus cit. n. 4. sed probabilius est, non fore
necessarium; ita Mandof. cit. in Praxi, tit.
de absolut. & rehabit. Ver. *an autem Advo-
tatus*. 1. Quia probabilius est, non incurri
irregularitatem, consequenter non esse opus
eà dispensatione. 2. Quia in dubiis, dis-
pensatio ad cautelam dari potest etiam ab
Ordinario, ut diximus l. 1. quæst. ultimam.

Quæstio est 2. an exercentes artem ⁹¹³
Medicinae, vel chirurgiae incurrant irregu-
laritatem ex defectu lenitatis, si ex arris iuxæ
exercitio sequatur mors, vel mutilatio eo-
rum, quibus impendunt operam suam?
3. cum distinctione: nam vel in dato casu
impenderunt omnem cautelam, & diligentia-
m, ne talis effectus sequeretur, sic, ut in
adhibenda opera sua nec latam culpam
commiserint, vel secundum? Si primum? nul-
lam incurrerunt irregularitatem. *Non ex de-
fectu*; quia supponit abesse culpa, quam
supponit irregularitas ex delicto: *non ex de-
fectu lenitatis*; quia hi non agunt auctorita-
te publicâ. Unde quando exercentes ar-
tem medicam, vel chirurgicam, rejiciun-
tur ab ordinibus, si aliquis ex eorum cura de-
cessit, intelligitur, quando imperitia, vel
negligentia potest illis imputari, in ipsa suæ
artis scientia opportune adhibenda, ut col-
ligitur exc. *ad aures*, de ætate, & qualitate.
Sic Corradus cit. à n. 8. Ex quo colligitur,
ubi effectus mortis fecutus est ex eorum
opera, vel cura cum culpa ex imperitia, vel
negligentia, quin talem effectum intenden-
t, adeoque ubi secutus est præter eorum
intentionem, irregularitatem non esse ex
homicidio *voluntario*, & *justo*, sed *casuali*;
consequenter reduci eam ad irregula-
ritatem ex delicto; Unde in quæstione:

resolutio petenda est ex dictis
supr.

